

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՊԱՌՈՂԱԿԱՆ ՇՈՒԿԱՅՈՒՄ ՀԱՅՏՆԱԲԵՐՎԱԾ՝
ՄԱՐԴՈՒ ԱՌՈՂՋՈՒԹՅԱՆ ՀԱՄԱՐ ՎՏԱՆԳԱՎՈՐ ՄՆԵՂԱՄԹԵՐՔԻ, ՄՆԵՂԱՅԻՆ
ՀԱՎԵԼՈՒՄՆԵՐԻ ԵՎ ՄՆԵՂԱՄԹԵՐՔԻ ՀԵՏ ՇՓՎՈՂ ՆՅՈՒԹԵՐԻ ՄԱՍԻՆ ԾԱՆՈՒՑՄԱՆ

1. Սույն կարգով սահմանվում է Հայաստանի Հանրապետության սպառողական շուկայում հայտնաբերված՝ մարդու առողջության համար վտանգավոր սննդամթերքի, վտանգավոր սննդային հավելումների և սննդամթերքի հետ շփվող վտանգավոր նյութերի (այսուհետ՝ վտանգավոր արտադրանք) մասին ծանուցման ընթացակարգը:

2. Սույն կարգը ենթակա է կիրառման սննդամթերքի, սննդային հավելումների, սննդամթերքի հետ շփվող նյութերի արտադրության և շրջանառության փուլերում վտանգավոր արտադրանք տնօրինող իրավաբանական անձանց ու անհատ ձեռնարկատերերի (այսուհետ՝ տնտեսավարող սուբյեկտներ) և պետական կառավարման լիազոր մարմնի կողմից:

3. Տնտեսավարող սուբյեկտը Հայաստանի Հանրապետության սպառողական շուկայում արտադրանքի վտանգավոր լինելու կամ վտանգավոր լինելու վերաբերյալ հիմնավոր կասկած ունենալու դեպքում կամ դրա մասին տեղեկացվելուց հետո կապի ցանկացած միջոցով անհապաղ և սույն կարգով սահմանված ձևով՝ 24 ժամվա ընթացքում ծանուցում է տվյալ արտադրանքի մատակարարին, ձեռք բերողին և լիազոր մարմնին:

4. Տնտեսավարող սուբյեկտը հայտնաբերված վտանգավոր արտադրանքի հետագա իրացումը կանխելու նպատակով «Սննդամթերքի անվտանգության մասին» Հայաստանի

Հանրապետության օրենքով սահմանված կարգով ձեռնարկում է համապատասխան միջոցներ:

5. Լիազոր մարմինը ծանուցում ուղարկած տնտեսավարող սուբյեկտից կարող է պահանջել տվյալ արտադրանքին առնչվող այլ լրացուցիչ տեղեկատվություն:

6. Լիազոր մարմինը վտանգավոր արտադրանքի մասին տնտեսավարող սուբյեկտից ստացած տեղեկատվությունը՝ արտադրանքի լաբորատոր փորձարկման արդյունքում հաստատվելուց հետո **24** ժամվա ընթացքում տրամադրում է զանգվածային լրատվության միջոցներին և այլ շահագրգիռ մարմիններին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

ՍԱՐԳՍՅԱՆ

Դ.

(լիազոր մարմնի, ծանուցվող տնտեսավարող սուբյեկտի անվանումը, գտնվելու վայրը)

Ծ Ա Ն ՈՒ Ց ՈՒ Մ

ՎՏԱՆԳԱՎՈՐ ԱՐՏԱՊՐԱՆՔԻ ՄԱՍԻՆ

_____ 200 թ.

Տնտեսավարող սուբյեկտի անվանումը, գտնվելու վայրը _____

Վտանգավոր արտադրանքի անվանումը _____

Արտադրանքի՝ վտանգավոր լինելու մասին տեղեկատվության աղբյուրը, հայտնաբերման
և (կամ) ստացման ճշգրիտ ժամանակը _____

Արտադրող (ներմուծող) կազմակերպության անվանումը, գտնվելու վայրը _____

Վտանգավոր արտադրանքի փաթեթավորումը _____

Վտանգավոր արտադրանքի պահման պայմանները _____

Վտանգավոր արտադրանքի քանակը _____

Վտանգավոր արտադրանքի խմբաքանակի նույնականացման նշանը, համարը _____

Վտանգավոր արտադրանքի արտադրման ամսաթիվը և պիտանիության ժամկետը _____

Վտանգավոր արտադրանքն իրացվել է՝ _____

(կազմակերպության անվանումը, գտնվելու վայրը, արտահանվող երկիրը)

Տնտեսավարող սուբյեկտի ղեկավար _____

(ստորագրությունը)

(պաշտոնը)

